

秋夜

瑤臺彩暈獻中秋
共向南巢結伴遊
金粟琳瑯圓影動
銀蟾掩映桂香浮
何須迭奏霓裳曲
且自頻斟碧玉甌
諸客不煩憂盡醉
冰桃可解宿醒不

桂花

秋光一派暗中催
縹緲香浮徧遠垓
玉殿未經攀桂手
銀宮遙憶探花才
搜來仙窟盈盈粟
拂去塵階點點灰
寄語封姨須謹護
黃雲休使落汙萊

咏雪

瑞雪繽紛慶此辰
曉窓乍啓畫圖新
青山不老頭先白
金屋搖光色變銀
匝地鴉飛同潑墨
漫天鶴舞墮修翎
兒童赤手尋歡笑
堆積瓊花塑玉麟

道藏輯要

呂帝詩集

全

川〇三

室集六

醒世

勸君早把利名刪
歲月遷移若箇閒
凍餒不侵堪閉戶
康強無恙便開顏
交遊合志留青眼
世態忘情付白鷗
治亂不聞姑自得
何妨載酒看溪山
一種清閒屬我徒
百般冷淡脫塵拘
白芽茶沸穿心確
黃熟香噴索耳爐
村外丹楓顏獨厚
籬邊黃菊意全孤
窮通壽夭皆前定
何用勞勞殫此軀

宴罷二首